

10  
12  
DISSERTATIO INAUGVRALIS MEDICA,  
DE

# DOLORE EX CALCVLO RENVM

Vom Stein-Schmerz in den Nieren.

QVAM

FAVENTE NVMINE DIVINO

SVB PRÆSIDIO

DN. FRIDERICI HOFFMANNI

FACVLTATIS MEDICÆ SENIORIS & h. r.

DECANI

PRO DIGNITATE DOCTORALI

legitime impetranda

*Ad, d. Majt. Anno MDCCXXXI.*

PVBLICAE DISQVISIONI EXPONIT

IOHANNES BERNHARDVS DOBLIN

HOLLANDIA - BORVSSVS.

HALAE MAGDEBVRGICAE,

Typis JOH. CHRISTIANI HILLIGERI, Acad. Typogr.



ILLVSTRISSIMO  
ATQVE EXCELLENTISSIMO

HEINRICO VI.

S. R. J. COMITI

JUNIORIS LINEAE

REVSS,

DOMINO DE PLAVEN, DOMINO ET  
DYNASTÆ IN GRÆTZ, GRANICHFELD, GERA,  
SCHLAITZ ET LOBENSTEIN.

NEC NON



NEC NON  
ILLVSTRISSIMO  
ATQVE EXCELLENTISSIMO

ROCHO  
FRIDERICO

S. R. J. COMITI  
LYNARIÆ,

DOMINO LVBENAVIÆ ET BVCKI  
DYNASTIARVM



PATRONIS LITTERARVM  
INCOMPARABILIBVS  
LITTERATORVMQVE  
COMMVNIBVS  
DOMINIS SVIS  
INDVLGENTISSIMIS

Disputationem hanc inauguralem, omnis  
officii, devotæque pietatis  
testem

Adparitionis vigilantissimæ, ad tuendam in itinere  
instanti valetudinem,  
obsidem.

animo devotissimo  
offert

Clientela & cultu addictissimus

RESPONDENS.





*Q. D. B. V.*

DISSERTATIO INAUGVRALIS  
MEDICA

DE

DOLORE EX CALCULO  
RENV M.

§. I.

**D**Olor, qui ex calculo renali proficiscitur, uti omnium passionum, quæ genus humanum misere torquent, est acerbissima: ita sæpius fit, ut, si quis præsertim prima-vice ex hoc laboret, difficillime ab aliis, quæ circa regionem lumbarem consistunt dolorificis affectionibus discernatur.

A 3

§. II.



## §. II.

Communis quidem sed pessimus mos invaluit, ut, si quis circa regionem lumbarem doleat, statim ex calculo renum se dolere existimet; cum tamen ibi complures valde sensilis indolis & dolori obnoxiae sint partes, ut muscoli lumborum externi & interni, ligamenta vertebrarum lumbarium nervea, plexus superior mesentericus, ramus arteriae meseraicae superioris, & circa vicinia, flexuosa intestini coli pars; quæ singulae, quando a vitiosa ibi stagnante materia, vel nimis distenduntur, vel comprimuntur, dolorem satis gravem exhibent. Fit etiam quandoque, ut a rheumatismo has partes occupante tantus exsurgat dolor, ut quasi lumbis per medium sectis incurvatus incedere debeat æger, nec surgere queat. Quod itidem fieri solet, si a casu, vel a magna oneris levatione, vertebrae cum nervis tantillum a propria sede recedunt. Neque tam raro evenit, ut a sola sanguinis copia, circa plexum mesentericum, & circa arterias emulgentes stagnante, in plethoricis vel hæmorrhoidariis, vel a neglecta consueta venæ sectione, ingens circa lumbos oboriatu dolor, qui vulgo pro calculoso, sed perperam, habetur: dum vel solius venæ sectionis in pede beneficio, vel pulvere nitroso discutiente subito sæpe desinit.

## §. III.

Id vero frequentius contingit, ut dolor colicus cum nephritico calculoso confundatur: nam, quando flexura coli circa lumbos quæ jacet, vel flatibus  
nimi-



nimum distenditur, vel spasmodice constringitur, non modo atrox in regione lumbari fit dolor, sed & ipse ad præcordia transit, nauseam ac vomendi conatum efficit, urinæ fluxum impedit, alvum constringit, imo totum abdomen cruciatibus torquet, non secus ac a calculo fieri solet; sed tamen, quia hic dolor spasmodicus, non assiduus, non fixus, sed magis vagus est, cum majori quoque virium jactura jungitur, ac clysteribus emollientibus alvo infusis magnopere levatur, hinc peritus utique Medicus, hunc a calculoso, non adeo difficulter distinguere potest: cum hic magis pressorius sit, quod germanice exprimunt: *Es drücke sie, als ein Klotz*, atque vires non tam intense destruat, per intervalla etiam remittat, ut ægro-  
tantes sæpius surgere & ambulare possint; quod in acerbo intestinorum dolore non accidit. Deinceps vomitus & nausea, a calculo si dolor est, jejuno ventriculo magis urget, ac in uretra imo ipsa glande titillatio & sensus punctorius percipitur.

§. IV.

Notabile est, quod calculi etiam prægrandes in renum substantia, sine ullo doloris incommodo, per multos annos quieti delitescere possint, simulac vero e sede sua dimoventur, & descendunt in angustos nerveo - musculosos canales, ureteres dictos, & per hos in vesicam exitum moliantur, mox gravissima invadant symptomata, adeo, ut hi ipsi canales veram & fixam dolorum ex calculo sedem ac domicilium constituent, qui tamen pro differente calculi magnitudine,



tudine, asperitate, ac figura, tunicas nerveas plus minus laceffente, vel intenſiores vel leviores evadunt, Quandoque tam crudeles ſunt, ut præter extremorum horrorem; & refrigerationem, naufeam, vomitum, ſpaſticam præcordiorum conſtrictionem, difficilem urinæ miſtum, alvi ſtriſturam, ſpirandique anguſtiam, ſtuporem cruris, retractionem teſticuli ad os pubis, inquietudinem, ingentem virium lapſum, ſyncopen, convuſiones etiam epilepticas concitent, vel plane fatalem iſchuriam inducant. Vidimus aliquando ægrotantes conqueſtos fuiſſe, ſe non aliū ſenſum percipere, ac ſi quis cultro acuto vulnus profundum, ſecundum longitudinem ſpinæ, verſus veſicam continuo inſingeret; ubi, in deſunctis, ureteres inſtar farciminum a copia urinæ, cujus in veſicam influxum calculus circa introitum ureteris in veſicam hærens interceptit, extenſi & turgidi compa-  
ruerunt.

#### §. V.

Res experientia confirmata eſt, quod interdum longo tempore lapis in uretere, ſine ſingulari dolore, ſine miſtus interceptione hæreſe & conquieſcere poſſit, ubi tamen mox ſubito & ex improvilo dolor revertitur acerbus, cum ciborum ſubſequenti faſtidio, naufea, vomitu & urinæ interceptione; forſan quod ab incommodo motu ſitum ſuum mutaverit lapis, & ſic asperitate ſua, tunicæ nerveæ fibras magis offendat.

#### §. VI.



§. VI.

Res per quam notatu digna est, atque experientia multiplici confirmata, quod calculi sinistrum renem, præ dextro, frequentius obsideant; quo fit, ut dolores ex renali calculo longe crebriores in sinistro, quam in dextro latere observentur. Neque hujus phænomeni ratio, adeo in obscuro posita est: in rene enim dextro, quia hepatis amplo viscere tegitur & sic maiori præ altero calore fovetur, promptior multo atque expeditior evadit sanguinis per hujus vasa progressio, seri itidem urinosi separatio, hinc tam facilem concipere stagnationem nequit, ac sinister, qui coli flexura obsessus, ob frequentem flatuum restagnationem magis premittitur; quo, ob liberiores sanguinis transfluxum interceptum, tardior urinæ in vasis urinariis a sanguine secretio, hujus stagnatio, & materiæ tartaræ in lapidem concrendæ secessio contingunt.

§. VII.

Notabile idque experientia pariter suffultum est, quod calculus diutius in renum latebris delitescens, & sine omni doloris sensu hærens, pluribus modis ac causis, e loco suo dimoveri atque in ureteres propelli possit: & inter has, primas fere tenent, fortior animi per iram conturbatio, corporis subita & vehemens per vecturam sive equitationem commotio, atque penetrans, præsertim quod venti e plaga septentrionali præbent, frigus improvide lumbis admissum, & inter alia, diureticorum, cujus generis sunt



therebintinacea, juniperina, cetera, quibus subinde Medici ad præſervationem a calculo uti ſolent, liberalior uſus. Non ſemel quoque, ſed iterum iterumque obſervavimus, quod dolores colici flatulenti, item ſpaſmi hypochondriacis, hyſtericis, hæmorrhoidariis familiares, nucleos calculoſos papillulis renalibus inhærentes protrudendo, occaſionem ad crudeles iſtos dolores ſubminiſtraverint.

### §. VIII.

Quod attinet ad cauſas remotas & ſic dictas naturales, quæ ad gignendos in renibus calculos & inde provenientes dolores ſymbolum ſuum conferunt, temperamentum ſic dictum ſanguineum, inter has non ultimum tenet locum. Nam corpora mollioris & ſpongioſioris texturæ, feminini præſertim ſexus & quæ copioſum alunt in venis ſanguinem, diætâ ſanta & vinoſa utuntur, otioque & vitæ ſedentariæ indulgent, nec non placentis, lacte, caſeo delectantur, poſt quinquageſimum maxime annum, tributo lunari ceſſante, doloribus ex calculo ſunt obnoxia; a quibus plerumque libera & immunia, fluxu menſium rite ſe habente, perſiſtunt. Ex Viris, ii qui in adoleſcentia hæmorrhagiis narium, capitis doloribus frequentibus ſubjecti fuerunt, item qui hæmorrhoidali fluxui ſunt aſſueti, hoc ceſſante vel imminuto, calculoſis & podagricis affectionibus, ſub proſpectiori ætate, ſubinde tentantur.

### §. IX.

Accedit etiam hoc, quod vix ullus affectus tam crebro



crebro ex parentibus in liberos transmigrare observetur, quam calculus & podagra, quippe quæ cum illo, ratione dispositionis solidorum & fluidorum plurimum affinitatis habet, quia uterque adfectus non modo hominibus sanguine plenis, & qui vulgo dicuntur sanguinei, est infestus, sed ambo etiam in quadam nativa debilitate & atonia solidorum, videlicet in nephriticis, renum; in podagricis ligamentorum quæ articulos vinciunt, fundati sunt. Crebrius quoque animadvertimus morbos rhevmaticos, arthriticos, podagricos quam facile transmigrare in nephriticos & calculosos, hos, rursus in illos, adeo ut etiam, si dolore ex calculo quis diu immunis fuerit, in calculosam nephritidem facile incidat, & vice versa. Neque raro contingit, ut uterque affectus conjunctim atroci dolore hominem torqueat.

§. X.

Quod attinet ad generationem calculorum in renibus, hanc tali modo concipere licet: quando, a nimis vehemente sanguinis appulsu, ejusque regressu per venas difficiliore, vasa renum sanguinea nimium distenduntur & infarciuntur, fit tandem, ut minima arteriolarum, ubi in papillulas & syphunculos urinosos abeunt, aperiantur ac disrumpantur, & ita a stagnante & extravasato sero sanguineo, primum parvi abscessus atque ulcuscula, generentur, quæ successive majora fiunt; in quibus, quando serum urinosum multis tartareis limosis partibus refertum subsistit, particulæ graviores & acuminatæ secedunt ac invicem



cem concreſcunt, ita quidem, ut materia primo craſſior ac rudior fabuloſa, dein etiam grana compactiora gignantur, quæ urinæ copioſius ſecretæ beneficio facile eluuntur, & ſæpius non ſine dolore foras propelluntur: ubi igitur tale craſſum ac grave ſabulum, in urina ſubſidet, haud dubium calculoſæ nephritidis, indicium præbet. Quando vero hi acini, vel nuclei calculoſi, ſubſtantiæ renum ulceroſæ inſidentes, ſucceſſiva accretione majores & duriores facti, alluvione feri urinoſi, vel aliis ex cauſis ad pelvim feruntur, majores utique cruciatus, & atrocior ſymptomatum concurſus omnino metuendi ſunt, ſi videlicet, per anguſtos hos exquiſitionis ſenſus meatus, iter ſuum verſus veſicam conficere debent; ad quam ſi fuerint delapſi, protinus omnimoda ſymptomatum, cum ingenti decumbentis gaudio & virium reſtitutione, fit ſublatio.

### §. XI.

Omnes morbos nephriticos, inſarctus, inflammationes, exulcerationes, dolores ex calculo, difficilius in ſenioribus ſanari experientia confirmat; quæ etiam teſtimonio HIPPOCRATIS, quod *aphor. VI. ſect. VI.* extat, ulterius ſtabilitur. Nam ſicut omnes læſiones & exulcerationes internarum partium, propter humorum intemperiem & excrementorum abundantiam, quæ in proveſtiori ætate increſcit; ita etiam, quæ renibus & veſicæ infeſtant, propter urinæ ingentem acrimoniam, difficillime ad ſanationem perducuntur.

### §. XII.



§. XII.

Si, quando dolor atrox per plures dies & noctes non remittit, sed assidue torquet, ac nullis vult cedere medicamentis expertissimæ alias virtutis, omni-  
moda quoque urinæ accedit suppressio, cum extremorum frigore & convulsione tendinum, mortem in propinquo esse, indicio est. Maxime vero omnium, dolor ex calculo, iis, exitium atque periculum minatur, qui diuturno animi mœrore macerati, vires amiserunt: nam virium mox sequitur major & summa dejectio, partiumque internarum sphacelatio. Neque res boni ominis est, quando firmiter lapis, longo tempore ureteri inhærescit; ciborum enim inappetentia ac digestio perit, nausea vero, conatus ad vomendum, anxietasque diutius persistens, & tandem lentus hecticus calor, virium & carnis substantiam consumens, mortem accelerat.

§. XIII.

Miræ sæpe magnitudinis valdeque compactæ texturæ, calculum, post mortem, in renibus, qui toti per exulcerationem consumti & membrana duriore tecti comparuerunt, repertum fuisse, cum de dolore per vitam nunquam fuerint conquesti, observationibus certissimæ fidei constat, & tales moriuntur tabe renali. Quidam vero ex calculi doloribus, brevi tempore succumbunt, & ita morbo acuto pereunt, dum acutissimum dolorem, ventriculi vel intestinorum, inflammatio subsequitur; vel ob totalem urinæ suppressionem, hydrops pectoris, lethargus vel convulsiones accedunt.



## §. XIV.

Quod concernit pernitalis hujus doloris curationem, ea rectissime duplex est statuenda: longe enim alia medendi via ac ratio est, in ejus accessione & paroxysmo; alia extra eum, quæ etiam a Medicis præservatoria appellatur. In ipso paroxysmo, in quo symptomatum ingens est exacerbatio, & ab atroci dolore tota œconomia functionum vitalium turbatur, primo omnium eo respiciendum est, ut dolorum vehementia, idoneis remediis mitigetur, atque spastica nervosarum partium stricturæ, quæ non modo partes circa renes vicinas, sed totum systema nervorum afficiunt, idoneis remediis componantur ac sopiantur; idque maxime eam ob causam, quia sub tanto spasmorum, qui meatus constringunt, impetu, calculi iter per ureterem in vesicam ægerrime perficitur. Inter probatæ vero & spectatæ virtutis remedia, quæ huic intentioni satisfaciunt, non possumus non, liquorem D.D. PRÆSIDIS sic dictum anodynum mineralem, ob efficacem & securum usum, satis dilaudare; quippe qui pariori sed repetita dosi sumtus, spasmos circa primas vias sedando, molestam illam sensationem, nauseam ac vomitionem egregie tollit. Qui hujus autem medicamenti copia ac facultate obtinendi caret, huic, spiritum nitri, rite, methodo D. D. PRÆSIDIS, quam præscripsit in *observat. physico-chym.* præparatum, plurimum commendamus; hic enim nullo amplius acore imbutus, blanda sulphurea exhalatione, & flatus discutit, & spasti-



spasticas stricturas relaxat. Commodissime vero hi spiritus cum aquis sedativis, ut sunt, aqua cerasorum nigrorum, florum acaciæ, tiliæ, primulæ veris, liliorum convallium, ulmaria, porriguntur, adjecto syrupo papaveris rhœados vel albi; possunt etiam in brodio carnis exhiberi, cum aliquot cochlearibus olei amygdalini recentis & purissimi, sine tostione prævia parati. Spectant huc quoque emulsiones, ex seminibus IV. frigidis, papaveris, milii solis, semine dauci, cum jam dictis aquis præparatæ. Quando vero leniora hæc, dolori mitigando non sufficiunt, ad paulo validiora transeundum, & quidem opiata, per aliorum additionem valde correctæ & secura reddita, ut sunt: massa pilularum WILDEGANSII, STARCKII, laudanum liquidum SYDENHAMII, & celestis theriaca.

§. XV.

Præter anodyna; nitrosa, & inter hæc nitrum tantum purificatum & crystallisatum, vel artificiale ex spiritu nitri & sale tartari compositum, vel nitrum antimoniatum, in compescendis præcalidis sanguinis & humorum exæstuationibus, certe omnibus aliis remediorum generibus, virtute ac securo usu, superiora sunt, atque in omnibus morbis nephriticis laudem insignem promerentur. Quam optima vero cum cancrorum lapidibus, cum cinnabari, vel cum spermate ceti, si miscentur, & cum emulsione vel sero lactis dulci propinantur, non parum eorum vis & efficacia exaltatur.

§. XVI.



§. XVI. Verum enim vero, ubi dolorum & spasmodorum vehementia fere intolerabilis est, sola interna huic sedando non sufficiunt, sed externis etiam occurrere oportet. Inter omnia autem desideratissimi certe effectus, clysteres sunt, ex meris speciebus emollientibus, floribus, præsertim malvæ hortensis, sambuci, papaveris rhœados, chamomillæ vulgaris, & verbasci, cum lacte decoctis, addito syrupo dialtheæ FERNELII, nitro & sale Epsomensi. Quando inferior, recti & coli, pars constrictissima est, ut flatus transmitti nequeant, sed ad superiora vergentes, anxietates augeant, enemata ex oleis & pinguedinibus confecta, ac ano injecta, mirabilem attulisse opem, non una sed pluribus vicibus a D. D. PRÆSIDE est observatum. Alvo enim aperta, flatibusque sic exitu parato, stomachi vomibundæ inversiones, cum anxiiis præcordiorum intensioribus, protinus remittunt.

§. XVII. Deinceps, in mitigandis hisce doloribus, vetustissimam HIPPOCRATIS methodum, uti antiquissimam, ita optimam maximique habendam esse censemus, dum lib. V. de intern. affection. hæc tradit: *cum dolor in renibus presserit, multa calida lavato, & reprefactoria, qua parte maxime dolet, adhibeto.* Et, profecto, balnea & infusus in aqua dulci, præsertim pluviali, temperate calida, in sistendis acerbissimis tormentis, vix habent sui similia, si modo crebrius repetantur.

IVX-2

Præter



Præter ea vero, linimenta, ex emollientibus exempli gratia, axungia humana, cati sylvestris, canis, castorei, unguento dialthæ, parata, vel etiam vesicam, decocto florum emollientium antea recensitarum, ex lacte, repletam ac parti intense dolenti, præsertim ubi calculus ureteri firmiter inhærescit, applicatam, singularem plane exerere virtutem & efficaciam, multiplici D. D. PRÆSIDIS usu, confirmatum habemus.

§. XVIII.

Quandocunque igitur, legitimum horum remedium usum, notabilis spasmodum sequitur remissio, pulsus fedatior & mollior evadit, calor madidus ac æquabilis totum corpus occupat, & flatus probe ex ano descendunt; protrusio calculi idoneis remediis, sub debita tamen adhibita cautione tentanda venit. Vidimus ad obtinendum hunc scopum varia præsentissimi fuisse effectus, atque inter hæc largissime assumptam cerevisiæ temperatæ ac diureticæ, nec non infusi herbæ veronicæ & petroselinii, vel ex seminibus dauci, selleri, fœniculi, baccis aleckeckengi, radice glyzirrhyzæ, summitatibus millefolii paratam potionem, eximium attulisse levamen, cum primis si potus quodammodo spirituosus, ut malvaticum juniperinum, aut aqua juniperina spirituosâ dulcificata, horum usum exceperit. Sed interdum paulo fortioribus pellentibus opus est, & tunc inter alia eminent ac tutissima sunt mater perlarum, vel cochleæ ustæ

C

cum



cum succo citri permixtæ atque in decocto antinephritico Foresti exhibitæ.

### §. XIX.

Præservatio pernitalis huius mali, uti in principio quidem facillima, ita in progressu, si ex renum vitio calculorum prognata fuit ubertas, dolorumque crebrior recurfus, multis sane difficultatibus implicata ac circumsepta est. Nam quia, complures ut supra exposuimus, ex sanguine præter naturam calore diffuente, vel multorum glutinosorum ac acidorum alimentorum assumptione, quam facile in hoc malum incidunt; certe, sanguinis decenti missione, motu & exercitatione corporis sufficienti, nec non potionibus diluentibus, aquis præsertim medicatis, item sero lactis dulci & acidulo, ad arcendum molestissimum hunc & exitialem morbum, nihil reperiri licebit superius ac præsentius.

### §. XX.

Ubi vero continuus fit calculorum partus, opus est, ut ea in usum ducantur, quæ leni virtute consolidante & adstringente prædita sunt; quare a multis retro temporibus est observatum, imo plebejjs & domesticis constat experimentis, decoctorum vel etiam infusorum, ex herbis vulnerarijs, & aqua vel cerevisia paratorum, ac cum butyro insulso, vel cum melle mixtorum, longiori usu, quosdam penitus a malo hoc calculoso fuisse liberatos: huius generis præcipua sunt, equisetum, virga aurea, hederæ terre-

terrestris., fragaria, marubium album, veronica, parietaria, millefolium cum summitatibus, malva, cortex radicis acaciæ, lycopodium, bacca juniperi tostæ, fraga exsiccata, acini & fructus cynosbati tosti; ex quibus itidem speciebus, cum melle Prusico albo, quod identidem consolidante & balsamica sua virtute renum morbis admodum amicum, electuarium paratum & mane ad cochleare dimidium usurpatum, superbibendo infusum Thée, ingens solamen iis, qui per multos annos nephritide calculosa laborarunt, attulisse, observatum est; & hinc quoque. *Cl. HEV-CHERI Dissert. de adstringentium usu*, legi meretur.

§. XXI.

Alia jam, præservandi a calculo, via ac ratio suppetit, per remedia nimirum alcalina quæ acidum & glutinosum, tanquam præcipuum calculosæ concretionis in animantibus fundamentum., domant atque destruunt; & hinc est, quod cancerum lapides, mater perlarum, testæ ovorum, conchæ & cochleæ simpliciter paratæ, vel etiam ustæ, lapis lycis & judæicus, nec non pulvis famigeratissimus Volckhammeri, qui ex lapidibus pretiosis calcinatis concinnatus creditur, & simplex tantum oleum tartari perdeliquium, liquor cinerum clavellatorum, vel nitri fixi, tinctura tartari, antimonii acris, frequentius in usum ducta, calculorum generationem egregie impediunt, & ab atrociori dolorum concursu corpus vindicant.



## §. XXII.

Sunt quoque adhuc plura, non minoris ad præservandum efficaciam & præsidii, quorum legitimus usus calculosis admodum fructuosus observatur ac proficiuus. Et hæc sunt quæ oleosis, pinguiusculis ac temperatis & quodammodo anodynis, demulcentibus particulis, spiculorum salinorum unionem, quæ ad concretionem solidescens est necessaria, impediunt; quantum enim pingua, exigua etiam dosi admixta, omnis crystallisationis salinæ negotium impediant, ex mechanica chymia perquam notum est; ad hanc classem merito referre possumus, fructus & semina quæ blando & dulci oleo gaudent, ut sunt, semina IV. frigida majora, milii solis, saxifragii, papaveris albi, cardui marie, amygdalæ dulces & amaræ, nuclei Persicorum, quæ vel in pulverem cum saccharo vel in emulsionem redacta, frequentiusve usurpata, a quibusdam huic malo obnoxiiis, non satis dilaudari possunt. Neque vero, inter optima & specifica ad renum vitia corrigenda præsidia, radix glycyrrhizæ, ejus pulvis, infusum vel decoctum, silentio prætereunda est, cujus in demulcendis & temperandis acribus salium particulis, in detergendis mucositatibus, tanta vis ac efficacia est, ut ceu primum ingrediens omnium remediorum, quæ contra calculum præscribuntur, illam celebrare non dubitemus.

## §. XXIII.

§. XXIII.

Ante omnia vero, sicut in cunctis morbis chronicis, ita etiam in calculo præcavendis, ventriculi & ejus digestionis, nec non alvinæ excretionis, ut hæc singula se recte habeant, ratio habenda est. Placuit mihi hæc in re insignis plane locus AETII, quem cap. XVI. p. 177. prodidit, ita se habens: præservat a calculo moderatus cibus bonæ concoctionis; nam cruditates non solum exasperant morbum, sed etiam gignunt; inde absterneant ægri, a satietate, a cœna, sæpe vomant & a sinthium assidue bibant, ac per certum tempus per ventrem se purgent. Cibos sumant, e quibus neque satietates neque cruditates eveniunt. Urinam etiam cientibus utantur, pastinacam in dies edentes valde percoctam, feniculum, pulegium, calaminthen; ex marinis strombos, locustas, gammaros; per plures autem dies radicis eryngii decoctum bibant, similiter dictamni. Oportet aquam per omnem vitam esse purissimam & percolatam, vinum tenue album, urinam ciens; exercitationibus utendum modicis & frictionibus in balneo, ex nitro assato, ac fece vini usta & pumice.

§. XXIV.

At vero, cum ad persanandum æque ac prote-  
landum hoc malum, potissimum Medici momentum  
in eo sit repositum, ut pro differenti corporum con-  
stitutione, ratione ætatis, temperamenti, læsionis,  
functionum, nec non sensibilitatis aliarumque cau-  
sarum, alia atque alia medicamenta, debito tempore,  
& convenienti ordine adhibeat; e re utique duxi,



quasdam cautiones & observationes, in praxi utiles atque necessarias, hoc loco subnectere. Primo omnium, attente considerari oportet: remedia quæ præ-servationis vel curationis gratia in usum ducuntur non æque omnibus convenire, neque semper eundem effectum ac levamen præstare, ob differentem valde & mutabilem corporis, ratione solidorum & fluidorum, dispositionem; quare interdum variari debent medicamenta, siquidem successu temporis, etiam ipsa natura iis assuescere solet, ut effectû laudato, quam ante ediderunt, nunc carere observentur.

§. XXV.

Observatum quoque sæpius est, ex improvviso, naturam nullis remediis coactam, sed sibi relictam, se ad calculum protrudendum accingere & feliciter id præstare; simile quid subinde in partu animadvertimus, cum non ante facile remedia proficiant aliquid, quam in subsidium venerit natura: qua de causa fit, ut empyrici sæpe suis inanibus remediis gloriam reportent. Solers itaque & in sanandis morbis occupatus Medicus, id probe attendat, quod natura sæpe sola, nulla remedium ope adjuta, a violentis spasmodis, doloribus & motibus remittat & conquiescat; (id quod tamen non intellectui imaginario vitali adscribendum est; cum causæ ac rationes physicæ subsint,) siquidem magnæ prudentiæ Medicæ pars in eo consistit, ut temporis illud momentum, quo natura se ad agendum & corpus a morbo liberandum

randum armat, sedulo æstimetur. Hinc consultum quandoque est, ubi ad tempus frustra adhibita fuere medicamenta, subsistere ac ferias agere, ut quies quasi naturæ concilietur, quia ipsa sæpius sua sponte & præter omnium opinionem, plus præstat, quam Medicus cogendo & stimulando.

§. XXVI.

Quemadmodum diuretica & urinam pellentia, eaque paulo acriora & vehementiora, ut sunt terebintinacea, juniperina, succinata, alliacea, porracea, & ex petroselino parata, neque ad præservationem in plethoricis, neque in paroxysmo nephritico, sive is simplex tantum sit, sive simul calculosus, nunquam proficiunt, sed malum deterius reddunt atque symptomata exasperant: ita prudens eorum usus non plane damnandus & interdicens est. Quare in plebejis, robustioribus, humidioris & segnioris naturæ corporibus, præsertim ubi præservandi sine exhibentur, non modo tonum vasorum renalium roborando, sed & copiam feri impuri tartarei, per renes, ejiciendo, commodam collocare operam possunt.

§. XXVII.

Uti tempestiva, modica ac æqualis motio sive vectio, naturæ in calculis pellendis admodum idonea, & congruorum pellentium usum, præsertim quæ mole operantur, ut acidulæ, thermæ, lactis serum egregie secundat, ut celeriter sæpe calculi, e sede sua, quam occuparunt fixam, dimoveantur; ita etiam obser-



observatum fuit, intempestivam vectionem vel equitationem, plurimis damnum attulisse, quia e sede sua non incommoda calculum expulsum, in transversum egerunt, ut nunc acutis suis angulis membranæ sensili nerveæ magis fuerit allisus; subsequente inde majori spasmodum sævitia, imo lethali quandoque ischuria.

#### §. XXVIII.

Tempestiva & sufficienti venæ sectione non modo ad præservandum a calculo, non facile superius ac efficacius reperitur præsidium, præsertim, ubi corporis natura ad excernendam nimiam sanguinis quantitatem, est disposita; sed ejusdem quoque remediï utilitas, non raro in ipso paroxysmo se commendat, nimirum, ubi plethora cum pulsu celeri, magno æstu ac intensa siti associata est. Doloris enim vehementioris ea indoles ac vis est, ut, spasms liberiores sanguinis circuitum per venas maxime impredientibus, cum impetu ad alia incongrua loca copiosum sanguinem adducendo, epilepsiam, convulsiones, lethargum, delirium, apoplexiam sanguineam, mictum cruentum, febres inflammatorias & hujus generis alia, de quibus D. D. PRÆSIDI exempla sunt nota ac obvia, concitet; quæ singula prudenti sanguinis missione averti possunt.

#### §. XXIX.

Quando nephritis calculosa incidit in corpus scorbuticum, sive impuris excrementitiis humoribus

bus refertum, & nostro tempore, purpuræ grassanti chronica obnoxium; sub ipso paroxysmo, concurrente simul impuritate scorbutica, varia & terroris plena se immiscent symptomata, quæ insignem, in præscribendis medicamentis, Medici prudentiam requirunt, ac desiderant. Neque enim facile alia, nisi diluentia, ac demulcentia, ut serum lactis acidulum, vel dulce, præbenda sunt; ab omni cerevisiæ & vini potu abstinendum; serum lactis vero calide, vel temperate frigidum sumtum, cum temperatis diaphoreticis, tali in casu maximi usus fuisse D.D. PRÆSES observavit.

§. XXX.

Balnea, utut quandoque præsentissimi levaminis & magnæ necessitatis sint; abstinendum tamen ab iis penitus, in plethoricis nimis repletis & pinguibus corporibus, ubi simul spirandi angustia ac difficultas adest. Antè itaque horum usum, solvenda plethora, alvus laxanda, & dolorum vehementia compescenda.

§. XXXI.

Non raro jungitur affectioni calculosæ, colica ex hæmorrhoidum vitio, convulsiva; prudentis hinc Medici est, hæc omnia probe discernere, & caute in prognosi & curatione procedere: maxime omnium vero, ratio est habenda atrocis intestinorum doloris, ut vel Venæ Sectione, vel hirudinum applicatione, vel alvi, per clysteres commodos, apertione, ei suc-

D

cur-



curramus. Sæpe fit, ut, quando calculus uno & maximo impetu fertur per ureteres, intolerabilis, per dorsum & totius abdominis regionem, cum magna virium jactura oboriatur dolor; qui tamen protinus uno quasi momento conquiescit, quando videlicet celeri itinere calculus in vesicam delabitur.

§. XXXII.

Vbi diutius torquet dolor & virium adest prostratio, ætas quoque senilis vel animi mœror præces-  
sit, pulsuumque adest debilitas; opiata instar veneni esse fugienda, inter quæ pessima massa pilularum de cynoglossa, & ratione, & experientia multiplici D.D. PRÆSIDIS confirmatum habemus. Præstat tunc potius naturam analepticis leniter spirituosis aquis, ut sunt, aqua menthæ, melissæ, liliorum convallium, cinnamomi sine vino, addito uno vel altero grano ambrae & extracti croci, modico quoque vini usu, eam erigere, nec non exterius, nimis debilitatum tonum intestinaorum, linimentis spirituosis balsamicis, quantum fieri potest, restituere.

§. XXXIII.

Ex aquis mineralibus & quidem thermalibus, nullæ sunt, quæ, ob calcaream qua pollent terram, potentius calculosam tartaream materiam resolvunt & exturbant, quam ipsæ Carolinæ; cum quibus tamen provide agendum. Vidimus, post harum usum internum, intra mensis spatium, quingentos & ultra calculos, leves, qui lentis & ciceris magnitudinem æqua-



æquabant successive fuisse excretos. Sed postea blande consolidantibus & temperate balsamicis opus est, ut cavitates renum a calculis exclusis exhaustæ, in se coëant & carne repleantur: Omnium vero securissimum, & usui tam præservatorio quam curatorio, aptissimum esse fontem Selteranum, qui præter subtiliorem aquam, sal alcalinum in sinu suo foveat, neque minus in vitiis & læsionibus vesicæ reliquis omnibus remediis superior est, innumerabili experientia evictum habemus & scribimus. Dein quoque, ubi magna scorbutica humoribus inhæret impuritas, atque simul adest partium exulceratio, dictum fontem cum lacte, debito modo miscere, & sufficienti fatis temporis spatio adhibere, consultissimum est.

§. XXXIV.

Ultimo loco, ratione regiminis diætetici & illud monendum esse duco, quod, ad morbos nephriticos præcavendos, lacticia, caseus, frigus externum, sedentaria vita, spiritus vini, ac vini, præsertim Rhénani potus, neque minus leguminum quæ inflant, omniumque alimentorum, quæ adstringunt frequentior usus, omni modo ac studio, vitari debeant.

§. XXXV.

De medicamentis, quæ supra tam ad præventionem, quam curationem in calculo valde laudavimus, hoc instar regulæ, maximæ in praxi utilitatis, servari oportet: hæc omnia plane nullius vel exiguæ esse



esse efficacizæ, imo si paulo activioris indolis diuretica sint, magis & graviter nocere, si ubi primæ viæ multis cruditatibus, quibus gignendis calculosi & podagrici, ut plurimum gulæ dediti, valde obsessæ ac refertæ sunt, adhibeantur: quas ante illorum usum probe per convenientia remedia, ut sunt ex manna, ex cassia parata, præsertim si interdum iis associantur Pilulæ D. D. PRÆSIDIS balsamica, deplere atque expurgare expedit.

